

**PROCESVERBAL- Tipi i kontratës - Shërbime**

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE  
KRITEREVE PËR KUALIFIKIM**

*(Ky procesverbal është për efekt publikimi bashkë me dokumentet e tenderit)*

**OBJEKTI I PROCEDURËS:**

“Ndërtimi dhe mirëmbajtje e faqes zyrtare të ALPEX për dy vite”

**KODI PËRKATËS NË FJALORIN E PËRBASHKËT TË PROKURIMIT (CPV):**

- 72267000-4 - Shërbimet e mirëmbajtjes dhe riparimit të sistemeve

**VLERA E FONDIT LIMIT:**

1,500,000.00 (një milion e pesëqind mijë) Lekë pa TVSH.

Në bazë të nenit 21, pika 2, të Ligjit nr.162/2020 “Për Prokurimin Publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për Miratimin e Rregullave të Prokurimit Publik” i ndryshuar, autoriteti/enti kontraktor **Bursa Shqiptare e Energjisë Elektrike - ALPEX SHA** ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

**I. KRITERET E VEÇANTA TË KUALIFIKIMIT**

1. Kandidati/ofertuesi duhet të dorëzojë:

a. Formularin Përmbledhës të Vetëdeklarimit, sipas shtojcës 10

b. Sigurimin e Ofertës, sipas Shtojcës 3

**Argumentimi:** Kërkesat e mësipërme bazohen në nenet 76, 82 dhe 83 të Ligjit Nr.162/2020 “Per Prokurimin Publik”, i ndryshuar, nenit 26, të VKM Nr. 285, datë 19.05.2021 “Për Miratimin e Rregullave të Prokurimit Publik”, i ndryshuar.

**2. Kandidati/Ofertuesi duhet të dorëzojë:**

## **2.1 Kapacitetin profesional të operatorëve ekonomikë:**

### **Sipas pikës 1 të kësaj Shtojcë.**

U arsyetua që OE duhet të paraqesë Formularin Përmbledhës të Vetëdeklarimit si dhe Sigurimin e Ofertës, në ditën e hapjes së ofertës sipas Shtojcës 10 dhe Shtojcës 3 përkatësisht.

**Argumentimi:** Kërkesa e mësipërme bazohet në nenet 76, 82 dhe 83 të Ligjit Nr.162/2020 “Per Prokurimin Publik”, i ndryshuar, nenit 26, të VKM Nr. 285, datë 19.05.2021 “Për Miratimin e Rregullave të Prokurimit Publik”, i ndryshuar.

## **2.2 Në lidhje me kapacitetin ekonomik dhe financiar:**

2.2.1 Në përmbushje të kapacitetit ekonomik dhe financiar, Operatorët ekonomikë duhet të paraqesin vërtetim për xhiron vjetore për vitet financiare (2023, 2024, 2025), ku vlera e xhiros për të paktën një nga vitet e periudhës së kërkuar duhet të jetë jo më pak se 600,000.00 (gjashtëqind mijë) Lekë pa TVSH. Kriteri konsiderohet i përmbushur nëse operatorët ekonomikë arrijnë vlerën e xhiros minimale, pra 600,000.00 (gjashtëqind mijë), në të paktën 1(një) vit të periudhës së kërkuar të viteve financiare.

Si provë për plotësimin e këtij kriteri kualifikues, operatori ekonomik ofertues duhet të paraqesë kopje të deklaratës të xhiros vjetore ose të pasqyrave financiare, të realizuara nga operatori ekonomik.

**Argumentimi:** Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3 të Ligjit Nr.162/2020 “Për Prokurimin Publik”, i ndryshuar, si dhe neni 43 dhe 55, pika 4 të VKM nr. 285, datë 19.05.2021 “Për Miratimin e Rregullave të Prokurimit Publik”, i ndryshuar.

Përcaktimi i vlerës së kërkuar argumentohet si më poshtë:

Duke marrë në konsideratë shërbimet objekt i procedurës së prokurimit, kërkohet që OE ofertues të provojë se disponon kapacitetet e nevojshme ekonomike dhe financiare për ta realizuar atë në kohë dhe në përputhje me termat e referencës të kërkuara. OE ofertues duhet të ketë disponibilitetin e duhur ekonomik dhe për këtë qëllim, është argumentuar se vlera e xhiros duhet të jetë në vlerën **600,000.00 (gjashtëqind mijë) Lekë** pa TVSH gjatë tre viteve të fundit financiare. Vendosja e këtij kriteri është bërë me qëllim që ti shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët nëpërmjet dokumentacionit të paraqitur duhet të vërtetojnë se zotërojnë kapacitetet e nevojshme në funksion të realizimit me sukses të kontratës.

---

## **2.3 Përsa i përket aftësive teknike dhe profesionale të operatorëve ekonomik, u arsyetua që ofertuesi duhet të tregojë se i zotëron këto aftësi dhe është në gjendje ta kryejë kontratën objekt prokurimi. Në lidhje me këtë u arsyetua dhe argumentua se Operatori Ekonomik duhet të përmbushë kërkesat e mëposhtme:**

2.3.1 Operatori ekonomik ofertues duhet të ketë realizuar gjatë tre viteve të fundit nga data e shpalljes të njoftimit të kontratës, kontrata të ngjashme me një vlerë prej 300,000 (treqind mijë) Lekë pa TVSH. Për kontratat e shërbimeve vlera totale e kërkuar duhet të jetë në një vlerë jo më të madhe se 20% të vlerës së përllogaritur të kontratës, që prokurohet dhe që është realizuar gjatë tri viteve të fundit, nga data e shpalljes së njoftimit të kontratës.

Për të vërtetuar këtë pikë, operatori ekonomik duhet të paraqesë dëshmitë e mëposhtme:

- Kur Operatori Ekonomik ka realizuar kontrata me një ent publik, kërkohen vërtetime të lëshuara nga ky i fundit, për përmbushjen me sukses të kontratës, ku të shënohen vlera, afati i përfundimit të kontratës ose fatura tatimore të shitjes, të plotësuara sipas kërkesave të legjislacionit në fuqi dhe të deklaruara në organet tatimore, ku shënohen datat, shumat dhe shërbimet e realizuara.
- Në rastin e përvojës së mëparshme të realizuar me sektorin privat, si dëshmi pranohen vetëm fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

**Argumentimi:** Kërkesa e mësipërme është përcaktuar bazuar në nenin 77 të Ligjit Nr. 162, datë 23.12.2020 “Për Prokurimin Publik”, i ndryshuar dhe nenin 55 pika 4/ b) të VKM Nr. 285, datë 19.05.2021 “Për Miratimin e Rregullave të Prokurimit Publik”, i ndryshuar. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën jo më pak se 20 % të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Duke marrë në konsideratë shërbimet objekt procedure prokurimi, është menduar se vlera e kërkuar që OE ofertues të ketë bërë me kontrata të ngjashme, të jetë limiti maksimal në mënyrë që AK të ketë sigurinë dhe besueshmërinë që OE ofertues mund të realizojë kontratën objekt prokurimi pa patur pengesa të ndryshme që do të ndikojnë në ecurinë e punës së AK, si dhe do të kompromentojnë veprimtarinë e AK, në përputhje me detyrimet e tij ligjore dhe rregullatore.

2.3.2 Operatori Ekonomik ofertues duhet të ketë numrin e nevojshëm të punonjësve për realizimin dhe zbatimin e kontratës.

Operatori Ekonomik duhet të disponojë në stafin e tij të paktën 3(tre) inxhinierë informatik ose programues ose web designer/developer.

*Shënim: Kjo kërkesë do të konsiderohet e përmbushur nëpërmjet plotësimit dhe paraqitjes nga operatorët ekonomikë pjesëmarrës të formularit përmbledhës të vetëdeklarimit, sipas shtojcës 10 të DST.*

*Dokumentacioni provues si më poshtë, do të paraqitet nga ofertuesi i kualifikuar në vend të parë, pranë autoritetit kontraktor, përpara publikimit të njoftimit të fituesit paraprak dhe nisjes së afateve të ankimit.*

-Listëpagesa e fundit, Kontrata e punës, së bashku me diplomën përkatëse.

**Argumentimi:** Kërkesa për stafin e nevojshëm për kryerjen e shërbimit objekt procedure prokurimi bazohet në pikën 4, të nenit 77, të Ligjit Nr. 162, datë 23.12.2020 “Për Prokurimin Publik”, i ndryshuar dhe pikën 4/c, të nenit 41 të VKM Nr. 285, datë 19.05.2021 “Për Miratimin e Rregullave të Prokurimit Publik”, i ndryshuar. Ky numër punonjësish konsiderohet optimal për shërbimin e kërkuar objekt kontrate.

2.3.3 Operatori Ekonomik gjithashtu duhet të vërtetojë njohurinë e stafit përgjegjës për:

- sigurinë në internet
- shërbimet e dizanjit dhe photoshop
- shërbimet e serverave.

*Shënim: Kjo kërkesë do të konsiderohet e përmbushur nëpërmjet plotësimit dhe paraqitjes nga operatorët ekonomikë pjesëmarrës të formularit përmbledhës të vetëdeklarimit, sipas shtojcës 10 të DST.*

*Dokumentacioni provues si më poshtë, do të paraqitet nga ofertuesi i kualifikuar në vend të parë, pranë autoritetit kontraktor, përpara publikimit të njoftimit të fituesit paraprak dhe nisjes së afateve të ankimit.*

- Certifikatat përkatëse të këtyre personave.
- Një person mund të ketë një ose më shumë certifikime.
- Lidhur me këtë pikë operatori ekonomik ofertues duhet të disponojë listëpagesën për muajin e fundit.
- Për stafin që nuk disponohet në listëpagesa, të dorëzohet kontrata e bashkëpunimit ose çdo formë ligjore e marrëveshjes me personin që përmbush certifikimin e kërkuar, e vlefshme, për periudhën e ekzekutimit të kontratës.

**Argumentimi:** Kërkesa për stafin e nevojshëm për kryerjen e shërbimit objekt procedure prokurimi bazohet në pikën 4, të nenit 77, të Ligjit Nr. 162, datë 23.12.2020 “Për Prokurimin Publik”, i ndryshuar dhe pikën 4/c, të nenit 41 të VKM Nr. 285, datë 19.05.2021 “Për Miratimin e Rregullave të Prokurimit Publik”, i ndryshuar. Ky numër punonjësish konsiderohet optimal për shërbimin e kërkuar objekt kontrate, spjeguar si më poshtë vijon:

- 1 (një) punonjës të certifikuar për sigurinë në internet

Me qëllim përmbushjen sipas kërkesave të objektit të prokurimit, është i domosdoshëm një punonjës i certifikuar për sigurinë në internet, me qëllim të ruhet informacioni i cili përditësohet në faqe, për shkak të karakterit të tij sensitiv dhe tregtar për ALPEX.

- 1 (një) punonjës të certifikuar shërbimet e dizanjit dhe photoshop

Kjo kontratë kërkon domosdoshmërisht një punonjës të certifikuar për shërbimet e dizanjit dhe photoshop, për shkak të nevojës për ndryshim të dizanjit, grafikëve apo mënyrës së pasqyrimin të informacionit, të cilat publikohen në faqen e Web të ALPEX.

- 1 (një) punonjës të certifikuar për shërbimet e serverave.

Kjo kontratë kërkon domosdoshmërisht një punonjës të certifikuar për shërbimet e serverave, me qëllim ruajtjen e të gjithë informacionit dhe databazës së faqes Web të ALPEX, duke qënë se OE kërkohet të hostojë vetë faqen e Web të ALPEX.

2.3.4 Operatori ekonomik ofertues që do të realizojë këtë kontratë, duhet të jetë i pajisur dhe të paraqesë certifikatat përkatëse të vlefshme ISO, të lëshuar nga organizmat e vlerësimit të konformitetit, të akredituara nga DPA, ose organizma ndërkombëtare akreditues të njohur nga Republika e Shqipërisë, si më poshtë:

- ISO 9001: Për Sistemin e Menaxhimit të Cilësisë
- ISO 27001: Për Menaxhimin e Sigurisë së Informacionit
- 

**Argumentimi:** Ky kriter u vendos në përputhje me parashikimet e nenit 77 dhe 79 të Ligjit Nr. 162, datë 23.12.2020 “Për Prokurimin Publik”, i ndryshuar si dhe nenit 44, të VKM-së Nr. 285, datë 19.05.2021 “Për Miratimin e Rregullave të Prokurimit Publik”, i ndryshuar, si dhe në bazë Ligjit Nr. 116/2014 “Për akreditimin e organeve të vlerësimit të konformitetit në Republikën e Shqipërisë”, të ndryshuar, ku përcaktohet se këto Çertifikata duhet të jenë të lëshuara nga organizma certifikues të akredituar, me qëllim që enti prokurues të krijojë sigurinë që operatorët ekonomik ofertues i kanë kapacitetet teknike lidhur me aftësinë e tyre për të kryer shërbimin objekt kontrate. Me anën e këtij kriteri (standartit ISO 9001, ISO 27001) synohet që të njihet aftësia e operatorit për të ofruar punë që plotësojnë kërkesat e Autoritetit Kontraktor, si dhe kërkesat e zbatueshme ligjore dhe rregullatore sipas standardeve më të larta.

- **Standardi i cilësisë ISO 9001:** është sot referimi i njohur në nivel ndërkombëtar, për certifikimin e sistemit të menaxhimit të cilësisë të kompanive të të gjithë sektorëve dhe të gjithë përmasave. Ky kriter kërkohet nga AK me qëllim për të vërtetuar cilësinë e shërbimit dhe të garantojë realizimin në kohë, me sukses dhe me cilësi sipas standardeve ndërkombëtare të objektit të kontratës.
- **Standardi i cilësisë ISO 27001:** siguron që operatori ekonomik aplikon, mirëmban dhe përmirëson në mënyrë të vazhdueshme një përfaqje sistematike në menaxhimin e informacionit sensitiv me fokus tek siguria. Për shkak të rëndësisë së veçantë që ka AK, posaçërisht në sistemin elektro-energjitik, gjykohet se informacioni duhet mbrojtur, duke qënë se OE do të hostojë vetë faqen e Web të ALPEX. Çertifikimi sipas kësaj kategorie konfirmon ekzistencën dhe funksionimin e kontrolleve të OE ofertues dhe i jep sigurinë e nevojshme AK.

2.3.5 *Në funksion të plotësimit të Shtojces 9 “Formulari Përmbledhës i Vetëdeklarimit” Operatori Ekonomik ofertues duhet të japë të dhëna të qarta si Emër, Mbiemër, Atësi, Amësi, Datëlindje, Vendlindje, Numër Personal, si dhe kopje të skanuar të dokumentit të identifikimit (shqiptar ose të huaj), për Administratorin/Administratorët e shoqërisë, Ortakun/Ortakët e shoqërisë, përfaqësues të ndryshëm të posaçëm të shoqërisë, drejtues të ndryshëm të shoqërisë.*

**Argumentimi:** Ky kriter vendoset referuar njoftimit të përbashkët Nr. 1155 prot, datë 01.02.2019, të Agjencisë së Prokurimit Publik dhe të Ministrisë së Drejtësisë Nr. 1001/1 prot, datë 01.02.2019, sipas parashikimeve të nenit 76/1 dhe nenit 82 të Ligjit Nr. 162, datë 23.12.2020 “Për Prokurimin Publik”, Autoriteti Kontraktor ALPEX SHA ka detyrimin e verifikimit të personave të cilët janë në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose ka kompetenca përfaqësuese, vendimmarrje ose kontrolluese brenda operatorit ekonomik. Per këtë arsye, verifikimi i këtyre personave kërkon të dhëna të sakta si emër, mbiemër, atësi, amësi, vendlindje, datëlindje e numrin personal të personit.

**Të gjitha dokumentet duhet të jenë origjinale ose kopje të noterizuara. Rastet e mosparaqitjes së një dokumenti, ose dokumente false dhe të pasakta, konsiderohen kushte për skualifikim.**

### **Shënim:**

- i. *Në respekt të nenit 36, të Ligjit Nr. 162, datë 23.12.2020 “Për prokurimin publik”, në të gjithë rastet në kur dokumentet e tenderit përmendet “markë” përfshihet termi “ose ekuivalenti i tij/saj”.*

### **Argumentimi i termave të referencës**

*Termet e Referencës, janë hartuar duke marrë në konsideratë nevojat e Autoritetit Kontraktor, për mallrat dhe shërbimet objekt procedure prokurimi, duke përllogaritur sasinë e nevojshme, karakteristikat e duhura dhe standardet e duhura kombëtare dhe ndërkombëtare, sipas parashikimeve të nenit 36, të Ligjit Nr. 162, datë 23.12.2020 “Për prokurimin publik”.*

Termet e Referencës për objektin e ndërtimit dhe mirëmbajtjes së webit janë hartuar duke u bazuar në webin ekzistues, përvojën nga procedurat e mëparshme dhe identifikimin e nevojave të reja funksionale dhe teknike. Kjo qasje siguron vazhdimësi dhe përmirësim të cilësisë së shërbimeve digjitale, duke integruar praktikat më të mira të zhvillimit, sigurisë dhe përdorshmërisë. Përfshirja e kërkesave të reja synon të adresojë mangësitë e evidentuara, të rrisë performancën dhe aksesueshmërinë, si dhe të garantojë një platformë të qëndrueshme dhe të përfitësueshme.